

## Ҳадис дарслари (113-дарс). Қадар аҳлига келган азоб



13:00 / 02.12.2020 5321

لَا أَقَامَ لِسَوِّهِ لَعْنَةُ اللَّهِ الْكَلْبَاءِ إِلَّا مَنْ بَدَّلَ نَبَا نَعِ  
رَدَّقُوا لَهُ أَيْ فُذِّقُوا وَأَخْشَمُوا فُسَّخَ يَتَّمُ أَيْ فُؤَادَهُمْ أَلَا وَدَّهَ يَفُؤَادَهُمْ

*Ибн Умар розияллоху анхудан ривоят қилинади:*

**«Набий соллаллоху алайҳи васаллам:**

**«Ушбу умматдаги ёки менинг умматимдаги ер ютиш, бошқа махлуққа айланиб қолиш ёки осмондан бўладиган тошбўронга учраш қадар аҳлидадир», дедилар».**

**Шарҳ:** Бу ҳадис ҳам Абдуллоҳ ибн Умар розияллоху анхудан ривоят қилинмоқда. Пайғамбаримиз соллаллоху алайҳи васаллам бу ҳадисларида

қадарга ишонмаслик нақадар оғир жиноят эканлигини баён қилмоқдалар. Ислон умматида ер ютиш, бошқа махлуққа айланиб қолиш ёки осмондан бўладиган тошбўронга учрашга лойиқ тоифа – Қадария тоифаси эканлигини эълон қилмоқдалар. Бу гап жуда қаттиқ гап. Чунки, турли умматлар ичида турли гуноҳ қилганлар ушбу азобларнинг биттасигагина учраганлар.

Мисол учун, Қорун ва унинг аҳлини ер ютганлиги, яҳудийларнинг чўчқа ва маймунга айланиш азобига дучор бўлганлари ҳаммага маълум. Каъбатуллоҳни бузиш ниятида келган Абраҳа ва унинг аскарларининг осмондан бўлган тошбўронга йўлиққанлари ҳам маълум ва машҳур.

Қадар аҳлига эса ушбу уч азобнинг таҳдиди бирданига бўлмоқда. Шунинг ўзиданоқ бу масала нақадар хавфли эканлигини билсак бўлади. Бундан Аллоҳнинг Ўзи сақласин!

**«Ҳадис ва ҳаёт» китобидан**